

ЛЕНИН ТУЙ ВYLЭТ

(По ленинскому пути)

ПОДПИСКАЛЭН ЦЕНА

1 год кежэ 14 р. 40 к.
6 месяц кежэ 7 р. 20 к.
3 месяц кежэ 3 р. 60 к.
1 месяц кежэ 1 р. 20 к.

Редакциялэн адрес: г. Кудымкар, Горького 27 (б)
телеф. № 1-87

ВКП(б) Окружкомлэн, ВКП(б) Кудымкарскэй Райкомлэн да Окрисполкомлэн орган

Сельскохозяйственнэй кадррез готовитэм — важнейшэй задача

Стахановскэй методд'езэс овладевайтэмэн, сложнэй сельскохозяйственнэй машинаезэс кужэмэн исполъзуйтэм да агрономическэй наука пыдына изучайтэмэн да сийэ применяйтэмэн миян странаись колхознэй крестьянство ленинско-сталинскэй партия руководство увтын годись год эл'ебтэ сельскохозяйственнэй культураезлись урожайность да подались продуктивность.

Медбы получить еше выльнжык урожайность да подались продуктивность колэ овладевайтны техникаэн. „Техника отиррезкэт главын, кэдна овладейтисэ техникаэн, вермас и должен сетны чудесаез“ (И. Сталин). Но медбы овладейтны техникаэн, колэ велэтчыны, велэтчыны да еше зтыпырись велэтчыны. Эта понда миян странаись ем не этик тысяча сельскохозяйственнэй учебнэй заведеннэез.

Миян Коми-Пермяцкэй округн эмэсь межрайоннэй колхознэй школа, сельхозшкола, сельхозтехникум да быд годд'езэ овлэны трактористт'езэс, комбайнеррезэс да мэдик сельскохозяйственнэй работниккезэс готовитэм понда курсэс, кытэн велэтчыны колхознэй крестьянстволэн зонн'ез да ныврез, кэдна успешнэй овладевайтны техникаэн. Токо этик Юсьвинскэй межрайоннэй колхознэй школа 1935 годсыяв 1938 годэдз л'едзис 131 ветфельдшер, 272 счетовод, 106 МТФ-эн заведующийезэс, 11 птицевод, 52 тракторист, 13 порсывадитись, 45 пчеловод да 17 полевод-бригадир, — быдэсэ л'едзис 647 морт виль подготовленнэй кадррезэс. Сельхозшкола 1937—1938 годд'езэ л'едзис 669 морт, кэдна керисэ ыджыт шаг сельскохозяйственнэй наукаэн овладевайтэмын.

Талуння лун кежэ Коми-Пермяцкэй округн эмэсь 408 тракторист, тракторнэй отрядись 53 бригадир, 20 механик, 100 комбайнер, 33 комбайнеррезлэн помощниккез да 37 полусложнэй молотилкаын машинистт'ез. Уна ны коласись ударниккез да стахановецез. Эта ыджыт вын, ибо „Кадррез решайтэны былэс“ (И. Сталин). Но массовэй квалификацияись кадррез готовитэм сё еше кольччэ социалистическэй земледе-

лиялэн потребностезсянь.

Миян округн 1938 годэ езе тырмэ 61 комбайнер, 139 комбайнеррезлэн помощниккез, 96 тракторист, 69 тракторнэй отрядд'езись бригадиррез да не этик сотня мэдик сельскохозяйственнэй работниккез. Эта объясняйтчэ сийэн, што быд годд'езэ кадррез велэтэм план оз тыртчывлы, например, октябрь 1938 годын межрайоннэй колхознэй школалэ коліс эктыны 250 морт, а велэтчыны токо 123, сельхозшколалэ коліс 170 морт—велэтчыны токо 105 морт. Эни ноябрь 15 лунэ Кудымкарскэй МТС-ын оссисэ трактористт'езэ велэтэм понда курс'ез, кытчэ колэ 110 морт, а велэтчыны токо 72 морт.

Колхознэй крестьянство эйэ желаннён, медбы велэтчыны, но колхозз'езись мукэд председателез мукэдпырсяс колхозниккезэс озе л'едзэ, ед абу секрет, што трактористт'езэ велэтчан курс'ез вылэ колхозниккез локтэны справкаезтэг, шуэны, што „нйэ колхозись председателез озе л'едзэ“. Например, Гурятскэй колхозись председатель Щукин курс'ез вылэ ез сет этик морт, Полвинскэй колхозись председатель Зырянов сідз-жэ ез сет этик морт, но этик колхозник муніс велэтчыны самовольнэй. С'етшэм фактт'ез миян округн адзисясэ уна, сідз кыдз отир мэдэ овладевайтны наукаэн да техникаэн.

Земельнэй организацияезись, райзоезись, окрзоезись да МТС-езись руководителез проявитисэ политическэй беспечность кадррез готовитэм дынэ и особенно Косинскэй районись райзо, кэдалэ межрайоннэй колхознэй школаэ коліс ындыны 20 морт, ния сетисэ токо 2 морт. Кудымкарскэй районись райзо 70 морт туйэ сетисэ 29 морт. Райзоэз, колхозз'ез, Окрзо, МТС-ез должнэсь ена-жэ лунн'езэ бэрийны да ындыны колхознэй кадррез готовитан курс'ез вылэ да школазэ достойнэй мортт'езэс, кэднйя дело вылын мыччалісэ колхознэй стройлэ, советскэй правительстволэ да коммунистическэй партиналэ ассиныс преданность.

Колэ 100 процент вылэ тыртны сельскохозяйственнэй кадррез готовитэм план—с'етшэм боевэй задача.



У МОГУЧЕЙ СОВЕТСКОЙ ДЕРЖАВЫ ДОЛЖЕН БЫТЬ СИЛЬНЫЙ ВОЕННО-МОРСКОЙ ФЛОТ!

Рисунок художник Венецлан плакатись, кэда л'едзэм „искусство“ издательствоэн.

Колхозз'езсянь юэррез

Вежайскэй сельсоветись Селевскэй колхоз (Кудымкарскэй район) таво получитись рекорднэй урожайнэй. Шогдлэн урожай гектар вылись получитэм мукэд местаэс 18 центнерэдз зэр—28 центнерэдз.

Колхозниккез уджлун понда получаютны 8 килограммэн (джын пудэн). Колхозись председателэн уджалэ Хозяшев. Райзонн заведующэй Ошмарин.

Юринскэй сельсоветись „Труженик“ нима колхоз государстволэ сетис клевернэй кэдзыс 9 тысяч руб вылэ. Клевернэй кэдзыс понда ыньпоставка сьэрти скидка получитисэ 31 центнер вылэ.

М. Г.

Трапезниковскэй колхозн председателэн уджа-

лэ ВКП(б) член Баранов Андрей Сергеевич. Эта колхоз кончитис вартны быдэс сю. 100 процент вылэ тыртис ыньпоставка план да шогдлэ и ид кэдзыс заптис 100 процент вылэ.

Эта колхозын ыджыт недостаток сйя, што умэля мунэ финансовэй план тыр-тэм да 30 центнер мымда еше абу мынтэм натурплата.

Шипицин

Торцовэй мостовэййез

Город Кудымкарын благоустривайтчыны улицаез. Строитэмэсь торцовэй мостовэййез 17.198 квадратнэй метра, нысь 1398 квадратнэй метра стритэм

1938 годэ. 18 тысяча квадратнэй метра тротуаррез, нысь 2200 кв. метра паськыт тротуаррез, 16.200 кв. метра улицаез гравируйтэмэсь.

Челядь яслилэн лоас парк

Юринскэй челядь ясли помещайтчэ виль, югыт да бур специальнэй керкуын. Челядьлэн эддён уна абыдкодь игрушкаез, мебель, уна сідз-жэ нылэн и белые.

Кольэм гожумэ челядь ясли понда Кудымкарскэй городскэй совет садитис 250 яблоня да 750 акация. Сідз-кэ чожа челядьлэн лоас асланыс басэк да гажя парк.

Челядьлэн шоччисян парк благоустривайтчэ

Не умэля вэлі оборудуйтэм Кудымкарись челядьлэн шоччисян парк, кольэм гожумэ, уна нылэн всякэй качуляез, карусель, трапедияез, гигантскэй шаггез, быдкодь площадкаез, павильонн'ез. А таво ар гэгэрас Кудымкарскэй го-

родскэй совет садитис паркэ еше 250 яблоня да 750 акация. Локтан гожуммезэ паркн лоас еше гажажык, колэ токо асланыс челядьлэ, а сідз-жэ и гырись отирлэ буржыка берегитны паркись богатствоэз.

С. Калашникова

Хроника

СССР-ись прокурор назначитис миян Коми-Пермяцкэй округэ окружнэй прокурорэн РСФСР Верховнэй Советлэн депутатэс ёрт Кондрашинэс Т. А.

Эта еше этпыр мыччалэ, кыдз партия да советскэй правительство заботитчэны сы понда, медбы укрепитны миянлісь национальнэй Коми-Пермяцкэй округ ленинско-сталинскэй типа кадррезэн.

СССР пасьта

1800 изобретеннэ да уна тысяча рационализаторскэй предложениез зарегирируйтэмэсь СССР Наркомпищепромлэн изобретайтан бюрын. Этйя годын пишебур ойрошпыленнэ остьыны реализуйтчыны 150 изобретеннэ, кэднйясянь лоас экономия дас-миллионн'ез руббес вылэ.

3750 вэз вына дизель пондэти керны „Красное Сормово“ заводись дизельнэй цех. Цехись коллектив босьтис соцообязательство готовитны дизельсэ СССР Верховнэй Совет бэрийм годовщина кежэ—декабрь 12 лун кежэ.

Арктикалэн Флагман—сідз именуитэм киноочерк, кэдія чожа л'едзасэ странаын кино экранн'ез вылэ. Сйя посветитэм мирись медыджыт ледоколлэ „ИОСИФ СТАЛИНЛЭ“.

* * *

Днепропетровскэй революция музейн уджалісез керисэ выставка, кэдія мыччалэ олэм да боевэй туй гражданскэй войнаись легендарнэй геройлісь Николай Щорелісь.

Партийнэй олан

Сталинскэй ЦК сетис партиялэ виль оружие

Райисполкомовскэй (Кудымкар) первичнэй парт-организациясы коммунист-т'ез ыджыт желаннён изучайтэны ВКП(б)-л'ис история виль учебник сьэрти, кэда л'едзэм ВКП(б) ЦК комиссиян да ёрт Сталинлэн личнэй участиян. Ета учебник партиялэн бидчленлэ сетэ марксизм-ленинизмл'ис пыдын знанн'ез, сетэ идейнэй политическэй закалка.

ВКП(б) ЦК-лэн ноябрь 14 лунся постановленнэ мян партиялэ вайис боевэй программа марксистско-ленинскэй теориян овладевайтэм понда. Ся отсалэ исправляйтны быдэс недостатоккесэ, кэдна вэли допуститэмась партийнэй пропагандаын.

ВКП(б) ЦК-л'ис партийнэй пропаганда постановка йыл'ис историческэй постановленнэ изучитэм бэрын райисполкомовскэй первичнэй парторганизациясы коммунист'ез унажыкыс из'явитисэ желаннэ самостоятельнэ, к н и г а сьэрти буржыка изучайтны ВКП(б)-л'ис история. И токо с'ек, кэр тема лоас и з у ч и т э м, велэтчисез пондасэ эксьивлыны кружокэ быдэс неяснэй да невежэртана вопрос'ез выясняйтэм понда. Еташэм методдс мянлэ сетас возможность пыдынжыка изучайтны марксистско-ленинскэй теория да буржыка овладейтны большевизмэн.

Заднепрэвская

Л'ебтыны политическэй уровень сельскэй интеллигенциял'ис

ВКП(б) Кудымкарскэй райком Кува селоэ пропагандистэн утвердитис ёрт Чудиновэс (сия-жэ и парт-орг), кэда должен вэли сельскэй интеллигенцияэс знакомитны „ВКП(б) историясы Краткэй курсэн“, но сия медпервэйся-жэ занятия вилэ опоздайтис, а сьбэрын понд'исэ овлыны и срыввез. Кружокын велэтчисез не этпыр'ис-ни баитлисэ, медбы Чудинов занятияез чулэтлисэ регу-

лярнэя, но ета ез вэвлы и эн'и абу.

Кынымкэ занятия чулал'исэ, но эдд'эн умэля. Пропагандист лыдд'этэм материал бэрти нем озраз'ясняйт.

Эн'и учебниккесэ быдэнным-лэн важынни эмэс, а занятияез эдд'эн шоча овлэны. Ны понда, кэдна учебник сьэрти занимайтчэны гортаныс некытшэм консультация абу организуйтэм.

Кувинскэй школаис историк Кучев

ВКП(б) Окружкомын

Средстваез мобилизуйтэм план тыртэм йыл'ис

Ноябрь 16 лунся ВКП(б) Окружком бюролэн заседаннэ отметитис, что 1938 годся IV кварталын средстваез мобилизуйтэм лэн финансовэй план тыртэм округын мунэ совершенно неудовлетворительнэя. Ноябрь 10 лун кежэ округ пасьта план тыртэм токо 36,2 процент вилэ. Финансовэй план тыртэмьн особенно умэля дело мунэ Косинскэй районын, кытэн план тыртэм токо 29,3 процент вилэ да Юрлинскэй районын — 28,9 процент вилэ.

Естэн вина усэ Окрфосис да райфоезисэ заведующеййезлэ, кэдня ез вермэ мобилизуйтны финансовэй аппаратисэ уджал'иссезэс средстваез мобилиз а ц и я

план тыртэм вилэ.

ВКП(б) РК-ез да райисполкоммез ез организуйтэ настоящэй большевистскэя пессьэм средстваез мобилизуйтэмьн план тыртэм вилэ да социально-культурно-бытовэй мероприя-тияезэс своевременнэй финансируваннэ вилэ.

ВКП(б) Окружкомлэн бюро обяжитис ВКП(б) райкоммезис секретаррезэс кывзыны райфоезисэ заведующеййезлисэ докладд'ез средстваез мобилизуйтэм-лэн план тыртэм йыл'ис да социально-культурнэй мероприя-тияезэс своевременнэй финансируйтэм йыл'ис. И удж сувтэтэны с'идз, медбы декабрь 20 лун кежэ план тыртны 100 процент вилэ.

Снабжайтсэны прилавок увтэсян

Энэдэ Верх-Косинскэй орг Черкасов, финансист мехлесопунктын снабжайтсэны прилавок увтэсян. Октябрьскэй революциялэн 21 годовщина праздник кежэ лар'екэ вайлисэ уна чери да вина, но рабочеййезлэ нем ез дэнзы. Ачыс вузасис, мехлесопунктис начальник Черемных, парт-

Асланыт

Кадррез готовитэм дынэ ёрт Минаевлэн отношеннэ йыл'ис

Ме кончиті город Ржевын техникум и Наркомзаг командируйтис постояннэй удж вилэ Коми-Пермяцкэй округэ уджавны лён сьэрти техникэн-товароведэн. Заготл'ёнлэн октябрь месяцэ менэ инд'ис велэтчыны курс'ез вилэ Зюкайскэй школаэ. Курс'ез кончиті отлично вилэ да получиті специальность Антонов да Сергеев типа льнотрепальнэй машинаез сьэрти инструкторлисэ.

Коми-Пермяцкэй округын Антонов системаис льнотрепальнэй машинаезыс 6 да Сергеев типа машинаезыс 4. Ена машинаез коласисэ удж вилэ абу сувтэтэм этік.

Ме обратитчи Окрзоисэ заведующей дынэ ёрт Ми-

наев дынэ просьбаэн, медбы организуйтны курс'ез, кытэн бы велэтны машинистт'езэс. Ёрт Минаев меным высокомернэя ответитис: „Ета дело понда ме-нам средстваез абуэс“ да категорическэя менэ етаисэ откажитис.

Токо с'ек, кэр ета делоз вмешайтчис Облзо, ёрт Минаев инд'ис телефонограмма н'я МТС-езэ, кытэн эмэс льнотрепальнэй машинаез, м е д б ы инд'исэ курс'ез вилэ этік мортэн Юрлинскэй МТС-э ноябрь 20 лун кежэ.

Окрзол'ис эта телефонограммасы, МТС-езисэ директорез езэ в ы п о л н и т э. Курс'ез вилэ ез лок этік морт.

Льнотрепальнэй машинаез понда местаезын некин

оз отвечайт, н'я обезличитэмасы. Например, Юрлинскэй МТС-ын эмэс Сергеев типа кык машина и н'яэ удж вилэ сувтэтны оз позь. (А нылэн быд машинаислэн донис 9 тысяча руб). Н'я сулалэны куш кымэр увтын. Мукад часттез лозмасы совсем негоднэйэс (чукрасьэмэс да потласьэмэс транспортёррезлэн ременез да с'идз одзлань).

Округ пасьта лёнлэн первичнэй обработкасы мунэ совершенно умэля. А етасян государствоэ лёновэй продукция сетэм мунэ совершенно неудовлетворительнэя. Например, Юрлинскэй районын ноябрь 20 лун кежэ лёновэй волокно эттэм токо 3 центнер.

Техник-товаровед А. А. Конев

Оз тырт ассис обязательство

Самчиковскэй колхозисэ колхозниккесэ удж а л э н ы вэрзаготовитан сезон вылын Велвинскэй базын Паяшорскэй лесочастокын. Первэй лун'ез-жэ колхозниккесэ босьтисэ обязательствоэ. Однако, колхозник Федор Ильич Логачев ассис босьтэм обязательствоэ керавны 500 ф'есметра оз выполняйт. Халатнэя относитчэ удж дынэ.

Логачевлэ колэ не бэбэтлыны государствоэс, а кыдз советскэй гражданилэ, колхозниклэ честнэя уджавны.

Л. М.

Лесорабочкомлэн председатель оз уджав

Не этпыр'ис гижлисэ централнэй да окружнэй газетаез профсоюзнэй удж перестроитэм йыл'ис, но велвинскэй базын рабочком, кытэн председател'эн уджалэ Отинов ассис профсоюзнэй удж ез перестроит. Культурно-массовэй удж вэркерал'иссез коласын отсутсвуйтэ. Вэркерал'иссез уджалэны вэркералан сез о в ы н кык месяц-ни, но н'я этік газета ез адзылэ. Культурнэй самодейтельнэй вечеррез оз овлэ. Киноэтпыр ешэ ез-на вовлы.

Ыджыт вина усэ и партийнэй да комсомольскэй организацияезлэ, кэдня с'идз-жэ оз руководитэ партийно-массовэй уджэн. А уджал'иссез пондасэ сетны бур удж производительность с'ек, кэр н'я лоасэ охватитэмэс партийно-массовэй уджэн.

Лес да сплав союзсян мийэ корам медбы мянлэ сетисэ буржык культурно-бытовэй условияез.

Уджал'иссез

Рубеж сайын

Польскэй правительстволэн чрезвычайнэй декретт'ез

Ноябрь 24 лунэ польскэй правительство публикуйтис кум чрезвычайнэй декрет: „государство охраняйтэм йыл'ис“, с'идз шуны „масонскэй“ организацияез распуститэм йыл'ис да „судебнэй процедура изменитэм йыл'ис“, кэдналэн еддержаннэс свидетельствуйтэ странаисэ политическэй олам'ис да быдэс государственнэй аппарат'исэ одзланься фашизация йыл'ис.

„Государство охраняйтэм йыл'ис“ декрет пыртэ суровэй наказаннэс лицозлэ, кэдна „асланыс дейст-вияезэн пондасэ отсавны странал'исэ хозяйственнэй олан нарушайтэмлэ, польскэй валютал'исэ доверие

подрывлэ или государст-воэ опаснэй моментт'ез коста банковскэй учреждениэзисэ ценностгез да сбереженнэс из'ятялэ“. Етасся, декрет пыртэ мымдакэ суровэй наказаннэс „фальшивэй сведениэс“ распространяйтэм понда да „паническэй настроениэс“ понда, власт'исэ местнэй да централнэй орган'ез-лисэ и государственнэй чиновниккесзисэ авторитет подрыв понда, иностраннэй станцияезисэ радиопередачаез кывзэм понда (Польшанын иностраннэй радиопередачаез кывзэм запретитэм лоас публикуйтэм внутренинэй делоз сь э р т і министерствоэн) и с'идз одзлань.

Финляндияын фашистскэй организацияезэс запретитэм

Финляндиялэн правительство запретитис лапуасовскэй фашистскэй организацияезлисэ деятельность

1929 годэ Лапуа местечкоын, кулачествоэн вэли созданнэй организация, кэдия сувтэтис ас олзас цель пессьыны против коммунизмкэт. Чожа етия организацияэ атласисэ Финляндияисэ быдэс фашистскэй элементт'ез—буржуазия, высшэй чиновничество да духовенство. Лапуа-сецез паськэтисэ бешеннэй террор против рабочей организацияезлэ. Н'я громатисэ рабочей газетаезлисэ типограф'ияез, вийлисэ антифашистскэй деятель-лезэс.

Германияын гитлеров ец кэтчэм понда.

цезлэн власть дынэ локтэм бэрын лапуасецез вын-с'ятисэ ассиныс погромнэй деятельность да организуйтисэ военизировайнэй штурмовэй отрядд'ез. Эдд'эн паськыта подрывай да шпионскэй деятельность лапуасецез паськэ-тисэ медбэр'я кадэ, германскэй фашистт'ез стремленнэла содействуйтэмэн медбы превратитны Финляндияэ; базаэ Севернэй Европанын захватни ч е с к э й планн'ез осуществитэм понда да СССР вилэ усэ-

Врид. Отв. редактора Е. Ф. МЕХОНОШИН